

آبونه شرائطی : هر زیر ایچول
سنه لکی (۲۷۵) آلتی آیانی
(۱۵۰) ممالک اجنیه ایچون
سنه لکی ۳۲۵ غروشد.

نسخه سی ۵ غروشد
ایکی نسخه برآراده
(۱۰) غروشد
سنه لکی ۵۲ غروشد.

اداره خانه : باب عالی جاده سنده
رشید افندی خائنده

اخطرات
آبونه بدلی پشیندر .

مسلكه موافق آثار مع الممنونیه
قبول اولتور . درج ایدله یین
یازیلر اعاده اولتماز .

والله یهدی من یشاء الی صراط مستقیم

باش محرم
محمد طاکف

صاحب و مدیر
اشرف ادیب

اتبعون اهدکم سبیل الرشاد

تذکره

۱۳۳۹

آدره من تبدیلنده آریجه
۵ غروش کوندولمیدر .

مکتوبلرک امضالری واضح
و او قوناقلی اولسی و آبونه
صره نومروسینی محتوی
بولومسی لازمدر

ممالک اجنیه ایچون آبونه
اولانلرک آدرس لری
فرانسجه یازلسی رجا اولتور .

پاره کوندولدیکی زمان نهیه
داثر اولدیغی بیلدیلسی
رجا اولتور .

فانیاً، بر عشیره، یاخود بر قبیله، یاخود بر رنکه، یاخود بر قومه انحصار ایتز. حتی یوقاریده سویلدیکمز وجهله بر مسلمان دیار اسلامک هانکیسنه اینرسه ایسون، اورا خلقتک سیاسی حقوقه تمامیه مالک اولور، ثالثاً، اسلامک عباداته، معاملاته، اخلاقه، آدابہ مخصوص اولان تعالیمی مسلمانلق طائفه بوبارز و متمیز قومیتی ویرن بوتون خصائصی و تمیزاتی توحید ایتمش کی در. بر حالده که او قومیت بارزه مبنایده، معماریده، دوشه کلزده، اورتولرده، پردلرده، قنون ادبییهده، معماری، اولری ترین ایدن نقشلرده، لوجهلرده، حاصلی شرک، انشسانک هر نوعنده کوزیمزه چارپوب دوزنیور. ایستر هربی، ایستر فارسی، ایستر تورکی، ایستراوروبائی، ایستر بربری اولسون، شرق لسانلرندن برینک ادبیاتنه وقوفی اولانلر بو حقیقتی بیلیرلر. حاصلی اتحاد اسلام دیمک فکرده اتحاد دیمکدر، طرز حیاتده اتحاد دیمکدر، شعورده اتحاد دیمکدر، تمایلاتده اتحاد دیمکدر، وجدانده اتحاد دیمکدر، حاصلی بر اتحاد عائلی در. یوقسه ظن اولندینی کی نه کندی اقوامی آره سنده ادیان سائرته نک قوردینی اتحاددر، نهده اوروپاده، آفریقاده وسائر یرلرده اقتصادی جمعیتلرک، سیاسی جماعتلرک قصد ایتدیکی اتحاددر.

اثبات شهره دائر نصوص

۳

فاضل محترم فطین افندی حضرتلرته

تخصیص علته دائر اولان بیانات علیه لری یک محمل اولدیغندن براز تفصیله احتیاج حس ایدیورم: بو باده اولا کتساب الهمدن باشلامق لازم کلیر. «فن شهد منکم الشهر فلیصمه» آیتده امر صیام شهود شهره تعلیق ایدلشددر. بوراده صله ویا صفتهده کی ایماء علیه تدین باشقه، شرط و جزانک فاء جزاییه ایله بر برلرینه ربط و تعلیق شرطک جزاییه علیه تدین صریح اولدینی معلوم و مسلم بولوندیغندن وجوب صیامک شهود شهره مربوط طبعی و بو شهودک وجوب صیامه سببیقی شهیدین آزاده اوله رق بیان بیورلمشدر. آنجق «شهود شهر» ترکیبیک کندی، معنایی احتمالیدر: چونکه شهود، مشاهده دیمک ایسه شهر بالذات. مشاهده اولته میه جفتدن بونی «شهود هلال شهر» معنائه حمل ایتمک لازم کله جک. و اگر شهود، حضور معنائه ایسه حضور شهر عائد اسباب علمدن نص ساکت قالمش اوله جنی جهته بو حضوری مشاهده ویا استدلال کی هر هانکی بر سبب علم ایله آکلامقده سربست اوله مز، اقتضا ایله جکدر. شو حالده کتساب مینده شهود شهرک علیق قطعی و صریح ایسه ده معنای شهود احتمالی بولوندیغندن بو خصوصده نص

مذکور مجملدر. اگر اصول شافعیده قبول ایدیلدیکی وجهله عموم مشترک ویا جمع حقیقت و مجاز تجویز اولنورسه بونصدن هرا یکی معنایک مجموعی مقصود اوله میله جکندن معنای اول معنای ثانوی تفسیر ایدر و حضور شهری شهود هلال ایله تقید ایتمک ضروری اولور. فقط اصول حنفیهده بو جائز دکدر. بناء علیه نص آیت، شهود شهرده صریح ایسه ده، شهود هلالده وافی استدلالده هنوز مجملدر، تفسیره محتاجدر. معلومدر که محملی تفسیر ایله بیان حق صاحب اجمله عائددر. «محملی بیان مجمله عائد دیرلر. بوکا بناء شارعک مجملاتنده علمانک حق تفسیری یوقدر. علماء تفسیر شارعدن مأیوس اولدقلری زمان بر تأویل صلاحیتیه مالکدرلر. دیمک که بو محملی تفسیر ایچون ینه نقل شارعیه مراجعت ایدمککنز. اگر کتاب و سنتده بوکا دائر بر تفسیر بولاماز ایسه که او زمان اجتهاده مراجعتله بر تأویل بولمغه چالیشمغه جغز. لکن سنق تحری ایتدیکمز زمان کور یورز که شبهه منری حل ایتمک بالغا مابلغ کافی قطعی الدلاله بر طاقم احادیث صحیحه واردر. اول امرده سزک اقلیت حسابیه قید ایدر کی کوروندیککنز (فاقدروا) حدیثنه باقالم:

«لا تصوموا حق تروا الهلال ولا تفتروا حق تروا فان اعمی علیکم (دیگر روایتده فان غم علیکم) فاقدروا له» بیوریلور. بوراده کورولیور که آیت کریمه ده کی شهوددن مراد، رؤیت هلال دیمک اولدیغنده واصل علتنک رؤیتدن عبارت بولندیغنده شبهه قالمیور. خاص مدلولنده قطع افاده ایدمک کی جهته بو آیت ایله بو حدیثه نظراً شهود شهری حساب و استدلاله ربط ایله مالک احتمالی منسلب بولنیور. کرچه بو صراحت هوانک آجیق بولندینی تقدیرده منطبق اولوب منیم ویا مغموم بولندینی زمان اعتباریه «فاقدروا له» امری ینه مطلق طور یور. لکن بیانات علیه لرینک ایهام ایلدیکی وجهله (فاقدروا) امرندن مستبان اولان فرض و تقدیری آجیق هوایه صرف ایتمک احتمالی مرتفع اولیور. شیمدی عجباً قابالی هوالرده بو فرض و تقدیر اطلاق اوزره قالا بیلر جک و اقلته بر حق تأویل بخش ایدمککنز؟ اگر باشقه صراحت یوقسه اوت، وارسه خایر دییه جکمز. حال بوکه لدی المراجعة کور یورز که بو اجمالی ده دیگر حدیثلر ایضاح ایدیور: از جهله مسلم شریفده (صوموا لرؤیته و افطروا لرؤیته فان غم علیکم فاقدروا له ثلاثین) حدیثی واردر. دیمک که اولسکی حدیثده کی (فاقدروا له) امرندن مراد شارع (فاقدروا له ثلاثین) دیمک ایش؛ فرض و تقدیر، ایام شهری اوتور فرض ایتمکدن عبارت ایش. بونی (فعدوا ثلاثین)، (فاکملوا ثلاثین شعبان) حدیث شریفلری ده تماماً تأیید ایله مش بولنیور. زیرا حکم و جادنه متحد و اطلاق و تقید سببه داخل بولندینی مواقمده مطلقک مقیده حمل بتون انمجه بالاتفاق ضروریدر. چونکه عکسی تناقض اولور. شیمدی بو ایضاح و صراحت قارشو سنده (فاقدروا له ثلاثین)

حدیثی بستیون طی ایدوبده یالکز (فاقدروا) حدیثک اطلاقده
 اصرار ایتک وصوکره زمان غیه منحصر اولان بواطلاق ظاهری بی
 زمان انجلایهده تعمیم ایله مکه چالشمق طوغرو اولمادیفی تظاهرا تیموری؟
 کوزولورکه بو آیت و احادیث انجده اراده شارع یوم شکده کی
 هلال کی افق غربده کریران اوله رق دکل ، بدر کامل کی ستای
 شرقده مهابت فشان اولارق تجلی ایتکدهدر . بونک ایچوندرکه ائمه
 اسلاف فقهده بو مسئله بی غایت بسیط و واضح تلقی ایله مشر ،
 و « فن شهد » آیتله ، « صوموا لرؤیت ... » فاقدروا له ثلاثین ،
 حدیث شریفی بو بابده کی نصوصک جذی و دستور افاد سی اوله رق
 اخذایدوب کتب فقهیهده علی الاکثر بونلرک ذکر یله اکتفا ایتملردر . فقط
 عالم اسلامده علم هیأتک بی در پی ترقیاتی اوزرینه اساساً برواقعه فلسکیه اولان
 طلوع هلالک جهات فیه سیله اشتغال ایتمه مک قابل اوله مازدی . بواشتغال
 نتیجه سنده تطبیقات ریاضیه نک کوسترمکه باشلادیفی موفقیتر بو حساباتک
 علل شرعییه ادخالی حقنده بر تمایل اوپاندردمقدن خالی قالمادی .
 حسابات فلکیه نک اوقات صلات و سائر کی خصوصایته سادده جه
 تحقیق مناط صورتیله بر جای تطبیق بولدیفی کورولدیجه بوتمایل قوت
 بولمه باشلادی . بناء علیه حساب هلال کویا بر تحقیق مناط مسئله سی
 ایش کی بعض طرفدار بولدی . حال بوکه نصوص شرعییه نظراً
 بونک اوصورتله تطبیقته امکان اولمادیفندن غفلت ایدیلوردی . بوصورتله
 منصوص اولان مناط رؤیت قارشو سنده بلا صلاحیت برده مناط
 حساب مسئله سی اورتیه آتیش بولندی . بونقطهده وظیفه فقهیه تنقیح
 مناط شکلنه کیردی . ایشته جمهور متأخرین و بو تنقیحی یاهرق مناط
 حسابک تخریجه امکان شرعی بولمادیفی و اثبات رمضانده حسابک مدار
 حکم بر علت ، بر معیار حالنده تثبیت اولنمه جفی اثبات ایله دیلر .
 عرض ایتدیکم آیت و احادیثدن صوکره (انا امة امیه ...)
 حدیثه کلنجه بو حدیث اصل استدلالک قطعیتته برشی علاوه ایتش دکل ،
 اونلرک سبب و حکمتی بیان ایدرک مسئلهیه دیگر بر جهته وضوح
 و بر مشدر . اولکی نصوص حسابک نظرا اعتباره آلمادیفی ، قبل التکلیف
 یعنی وضع شارعدن اولکی عدم اصلی ، عدم معیاریت خالی اوزرینه
 ابقا ایدیلدیکنی افهام ایدیلوردی . بو حدیثده نیچون وضع ایدلمدیکنی ،
 نیچون نظرا اعتباره آلمادیفی ، شهود و تکمیل ثلاثین کی بر معیار و خوب
 اوله رق نیچون وضع ایدلمدیکنی بیان ایله یور . تعبیر آخریله بو حدیث ،
 مناطی دکل ، مناط مناطی ، علة العمله بی ایماء تنصیص ایتش اولیور .
 ذات عالیری ایسه بو بابده شو ملاحظهده بولنیورسکیز :

« اقلیت تشکیل ایدن دیگر بر قسم اهل شرع ایسه او بر حدیثلری
 « مفسر ماهیتند کورمه مشر و منازل قر و حسابات هیثه طریقه
 « تقدیر ایدیکنر معناسی و بر مشلردر . اقلیتک بواجتهادی « انا امة امیه ... »
 « حدیث شریفه معارض کوریلرک اکثریت و بالخاصه متأخرین طرفندن

« رد و جرح ایدلمک ایسته نشدر . بالطبع اقلیت بوایکی حدیث آراسنده
 « بر تعارض کورمه مشدر . چونکه ایکنجی حدیث حساب و کتابی نهی
 « ایتش دکلدر . بلکه آنکله مأمور اولمادیغیزی بیادر ... » اگر مورد
 « حدیث معلوم اولسه ایدی معنای حدیثک تمامیه منفعهم اوله جفی طیبی
 « ایدی . دیگر طرفندن آشکاردرکه بو حدیث رؤیت هلال ایله بر مناسبت
 « ظاهرده سی بوقدر ، دیدکدن صوکره بو حدیثی تقویم عربیانی حساباتک
 نفیه قصر ایتک و بونی بر سبب وزود اوله رق کوسترمک ایسته یورسکیز .
 بیاناتکیزده « فن شهد » آیتله « فاقدروا له ثلاثین » حدیثی اصلاً
 ذکر ایدلمه مش اولسنه نظراً اقلیت مطالعه سنک بونلردن ذهول اوزرینه
 مبتنی اولسی وارد خاطر اولیور . ذاتاً (ثلاثین) لفظندن مطلق اولان
 (فاقدروا) حدیثک (فان غم علیکم) شرطیله ، یعنی هوانک
 مغموم اولسنیله مشروط اولدیفی محقق ایکن آجیق هوایه دخی
 شامل ایش کی حسابات هیثه ایله قابل تفسیر عدد اولسنی مسئله بی
 کوکندن سهولته خل ایتدیبره جک بر نقطهدر . بناء علیه اقلیتک
 مطالعه سی تقرر عالیری طرزنده ایسه بونی رد و جرح ایتک ایچون
 (انا امة امیه) حدیثله استدلاله حاجت بوقدر . جزئی بر تأمل
 ایله آکلاشیرکه بو حدیث ذات دقائق شناسیلرینک ، حساب ایله
 مأمور اولمادیغیزی ، معناسی و بر مش اولسکیز اکثریتک نقطه نظریته
 اشتراک دیمکدر . چونکه وجوب صومده و اثبات شهرده بزم رؤیت
 و یا تکمیل ثلاثین ایله مأمور و حساب و کتاب ایله غیر مأمور اولمادیغیزی
 قبول ایدیلنجه مأمور اولمادیغیزی شیشه مأمور اولمادیغیزی شی ایله مداخله
 و معاوضه تصویرینک امکانسرافنی کندی کندیته تبیین ایدر . بزم حساب
 یا بزمیک ، هیث اوقومیک ، دین یوق یا سوله ن سوز ، وجوب صومده
 کندیکنری حساب ایله مأمور صانوبده حکم شرعی بی بوکا بنا ایتکه
 چالشمه یکنر ، بونکله شهود و شهادته مداخله ایتدیکنر ، تبلیغندن عبارت
 دکل می در ؟

معنایه بو حدیث شریف حقنده کی مطالعه عالیری دیگر جهتندن
 وجوه ایله انتقاد مساعددر :

اولا ، بو حدیثک رؤیت هلال مسئله سیله بر مناسبت ظاهرده سی
 اولمادیغنه ذاهب اولیورسکیز . خالبوکه رؤیت هلال مسئله سی انحق
 بر شهر مسئله سیدر . بو حدیث شریفده شرعاً شهرک یا تام یکر می
 طقوز و یا تام ارتوز اعتبار ایدلمدیکنی اسباب موجب سی ایله بیان ایچون
 سوق اولمشدر . بناء علیه ایکنسی عینی مسئله ایکن ارالنده مناسبت
 ظاهره بوقدر دیمک تحف اولیور .

ثانیاً ، حدیث شریفده کی (لانهسب) (لانهسب) (لانهسب)
 دعواسته معارض کورمه مک غربیدر . جناب پیغمبر ، ربوبایده حساب
 یا بزمیوررکن ، بوکا قارشو بر حساب یا بارزدیمکدن دها بیوک معارضه سی
 اولور ؟ صوکره شریعت ایام شهری تام یکر می طقوز و یا تام ارتوز

اعتبار ایدوب شهرک معیاری غایت بسیط و کسر سز بر صورتده تثبیت ایتک ایسترن کن ، بوکا قارشو کسور ایدن اصلا وارسته اوله میان و شهر ی تام یکر می طقوز ویا تام اوتوز اوله رق کوستره میهن حساباتی معیار اتخاذ ایتکه چالیشمق شرع ایله متعارض دکلده ندر ؟ حسابات فلکیه نك اسکی یکی هانکیستی آیرسوق آلهام، وسطی ویا حقیقی دور اجتماع مدتی ، تام یکر می طقوز ویا تام اوتوز کوستره جک بر حساب بوله بیلیر می ز ؟ حسابات فلکیه موجهه تام یکر می طقوز ویا تام اوتوز هانکی شهر تصور اوله بیلیر ؟ شریعتک خواص و عوامه ، امی و غیر امی به علی السویه شامل اوله رق کوستره دیکی معیار بسیطه ، اقل قلیل خواصه نصیب اولان و اصلا کسر سز اوله میان مغلق بر حساب معیاری علاوه ایتک وجوب صومده امر شارع مخالف دوشمزی ؟

ثالثاً ، حدیث شریفک سبب ورودینی تصور بیوردیفکر کی فرض ایتسه ک نصی بو سبب وزودینه تخصیص ایتک فصل جائز اولور ؟ (انامة) کی ادات ابتدا ایله جوابی سؤالدن قطع ایدوب سببیه عمومی بر صورتده بیان ایدن نصی ، بر سؤال منزله سنده بولنان سبب ورودینه قصر ایتک هیچ بر مذهبده یوقدر . اگر سبب ورودک تقویم عبرانی حساباتی اولدیفنی تاریخاً بولمش اولسه ایدیکز اونی ینه امت امیه مضموننک شمولی قدر تعمیم ایتکه و امیلرک آکلا به میه جنی حساباتک هبسنی نفی ایتکه مجبور اوله جقدیکز . فی الواقع تأویل طالیرینک حاصلی شو اولور : د ب ز امت امیه اولدیفمز ایچون حساب عبرانی یایامیز اما بوندن ماعدانه قدر انچه و صحیح حسابلر وارسه اونلری یاپارز . اوحدیته بویله بر معنی فصل ویریه بیلیر ؟

رابعاً ، (فاقدرواله) حدیثی بر طاقم مقیدات ضرورییه رغماً مطلق براقی ایسترن کن (لأنحسب) لفظی بویله رأی ایله تقييد ایتکه فصل مساع ویره بیلورز ؟

خامساً ، بو مسروداتک هبسنی بر طرفه براقلم ، حسابک معیار اوله بیله جکته دائر ولوایما اولسون اثباتی صورتده بر نص اراده ایدیلور بناء علیه بز اوروجلریمری یا شهود ویا تکمیل تلائیه استناد ایدرک یا یکر می طقوز ویا اوتوز طومغه مجبورز ، چونکه یکر می طقوز کسور اوروج طوتیلامیه جقدر .

المالیه مصری

غریبه طبیعت و رلك

۲

محرری : هند شاعر حکیمی : رابندرانات تاغور
دیگر اسمی ملت اولان بوسیاست و تجارت تشکیلاتی حیات اجتماعیه نك آهنگینی اخلاص حسابنه صولک درجه کسب قوت ایتدیکی زمان انسانلق ایچون پک مشنوم اولاجقدر . بر طاله پدری قارپاز اولورده طاله سینه

ایفاسیله مکلف اولدیفنی وجائب دماغنده تالی بر موقع اشغال ایدرسه آرتیق انسانلقدن چیقهرق حرص قوتیله حرکت ایدن بر آلت اولور . بویله بر درک به دوشن بر رئیس طاله حال طبیعیه اهنک ارتکابندن حیا ایده جکی بر چوق شیلری بلاتردد ارتکابدن چکینمز . جمعیت ده بویله در . مکمل بر قدرت تشکیلاتدن عبارت اولدیفنی تقدیرده ارتکابندن احتراز ایده جکی جرائم زیاده سیله آزالیر . چونکه بر ماکینه نك هدفی موقیتدر . ایتک ایسه آنجق انسانک غایه سیدر . بوتشکیلات ماکینه می بویوک بر ساحه اشغال ایدرک ماکینه سترده ماکینه نك اقسامندن اولور لسه انسانک شخصیتی اندراسه اوغرار ، شفقت ، و مسئولیت اخلاقیه حسلرندن اثر قالماز .

ایشته ملت تسمیه ایتدی کمز بو مجرد موجودیت هندستانه حاکمدر . مملکتتمزده بر طاقم تنک قوطولرک ایچنده بولونان بعض اطمنعه بولونور که بولر ده هیچ انسانک دکه دیکی اعلان اولونور . هندستان اداره می ده اوله در . ممکن اولدیفنی قدر انسان الی ده که دن اجرا اولونور . اوراده اجرای حکم ایدرلر لسانمزی او کره نك احتیاجنی حس ایتمز لسه آنجق رسمی برر مأمور صفتیله بزمه تماس اید لر . بولر پک اوزاق مسافه لر دن بوتون آمال و تمنا تمزه قارشو برسد چکرلر . بز ایسته دکاری طریق سیاست سوزق ایدرلر و ایسته دکاری زمان او بولدن بز ی کری چوریرلر . لوندره جاده لرنده وقوع بولان جنایتلره ستونلر طولوسی یازی تخصیص ایدن انکلیز غزته لری ، هندستانک بریتانیا اطه لرندن دها بویوک ساحه لرنده وقوع بولان فلاکتلره ذره قدر اهمیت ویرمز . فقط بز محکوملر ، مجرد برشیدن عبارت دکلز . بز جانلی فردلر ز .

قائسز بر سیاست شکلنده مملکتتمزه کیرن شی بعضاً قلمبزی پارچه لایان بر ماهیت آلیور ، بعض خلقتمزک بوتون آیتسنی نه دید ایدیورده اونه طرفدن حسیات انسانییه اصلا تحریک ایتیهور . بویله جهان شمول و مدعش بر مسئولیتیه هیچ بروقت انسان تحمل ایدمز . بونی آنجق بر تشکیلات ماکینه سندن عبارت اولان ملت یوکلنه بیلیر . ملت دیدیکمز قوته محکوم اولانلر دانما شبه ایله تعقیب اولونور . انسانلره اوله جزالرویریلر که قلب بشری داغدار ایدر . فقط بوجزالی ویرن ، تطبیق ایدن اوله مجرد بر قوندر که اوزق بر مملکتک بوتون خاقی مسئولیت انسانییه سنی ضایع ایده جک بر شکلده اوکا اندماج ایتشد .

مع مافیه بن بوراده بو موضوعی مملکتیمی متاثر ایتدیکی نقطه نظرندن موضوع بحث ایده جکم . مسئله انکله تره حکومتک اداره می مسئله نکی دکل ، ملت حکومتی مسئله سیدر . اوملت که بوتون بر خلقت خودکاملق تشکیلاتیدر . وادنی درجه ده انسانی ، ودهالونی درجه ده روحانیدر . بوندن باشه بز غریک شرق ایچون لارم اولدیفنی نظر دفته آلاچقز . بز حیانه قارشو طرز رؤیتمزک اختلافندن حقیقتک مختلف صفحه لرینی کورمک اعتباریله یکدیگر مزک منعی ز . بناء علیه